

Հավելված N 4

ՀՀ պետական եկամուտների կոմիտեի նախագահի
«05» հունիս 2023թ. N 560-Լ հրամանի
(05100033) / (250723) / (716/6)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ ԹԻՎ 716/6

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«25» հուլիս 2023 թ.
(ամսաթիվը)

ք. Վանաձոր
(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության
(ստորաբաժանման անվանումը)

ղեկավարի ժ/պ Հայկ Ավետիսյանս, քննելով՝ հտորեն Տիգրանի Ռուստամյանի (անձն.՝
AU0440573, հասցե՝ 1132, ՀՀ Արմավիրի մարզ, համայնք Խոյ, գյուղ Ծաղկալանջ, 8 որ փողոց
N 6 բնակելի տուն)

(քննվող անձի անվանումը, կազմակերպարական տեսակը, ՀՀՀՀ, պետական գրանցման/բնակության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

10.03.2023թ.-ին թիվ 05100033/100323/0019614 տարանցման հայտարարագրով ՀՀ
ՊԵԿ Արևելյան մաքսատուն-վարչության Բագրատաշենի մաքսային կետ-բաժնում
ձևակերպվել է «HONDA CIVIC SPORT» մակնիշի, 2HGFC2F87LH548797 նույնականացման
համարի տրանսպորտային միջոց: Նշանակման մաքսային մարմին է սահմանվել ՀՀ ՊԵԿ
Արևելյան մաքսատուն-վարչությունը, վերջնաժամկետը՝ 20.03.2023թ., սակայն հտորեն

Ռուստամյանի կողմից տրանսպորտային միջոցը և ուղեկցող փաստաթղթերը սահմանված ժամկետում չեն հասցվել նշանակման վայր:

Փաստի առթիվ 23.06.2023 թվականին Խորեն Ռուստամյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 305-րդ հոդվածի հատկանիշներով:

Նշանակվել է վարչական վարույթի քննություն 21.07.2023 թվականին ժամը 10:00-ին, և գործի քննություն 25.06.2023 թվականին ժամը 12:00-ին, որի վերաբերյալ վերջինիս /ըստ ՀՀ կադաստրի կոմիտեի կողից տրամադրված/ հասեին ուղարկվել է ծանուցագիր:

Կից թիվ /22-4/45094-2023 գրությամբ ծանուցագիրը ուղարկվել է Խորեն Ռուստամյանի վերջին հայտնի բնակության վայրի համապատասխան համայնքի ղեկավարին, ինչպես նաև տեղադրվել է «azdarar.am» կայք էջում:

ԵԱՏՄ մաքսային օրենսգրքի 144-րդ հոդվածի 1-ին մասի համաձայն՝ «Ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ)»:

Նույն հոդվածի 3-րդ մասի համաձայն՝ «Մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը»:

Օրենսգրքի 150-րդ հոդվածի 1-ին կետի 1-ին ենթակետով սահմանվում է՝ ««Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը

հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է»:

Օրենսգրքի 151-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Նույն օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների րացթողումը»:

Ապրանքների՝ ««Մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 305-րդ հոդվածի համաձայն՝ «Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ առաջացնում է տուգանք, 100.000 (հարյուր հազար) դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ»:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

«Վարչարարության հիմունքների և վարչական վարույթի մասին» ՀՀ օրենքի 29.1 հոդվածի 14-րդ կետի համաձայն՝ «4. Եթե անձը հրաժարվել է ստանալ փոստային առաքանին, կամ կողմի նշած հասցեով ուղարկված փոստային առաքանին վերադարձվել է, կամ պատվիրված նամակով ուղարկվելու դեպքում ուղարկվելու օրվանից հետո՝ երկշաբաթյա ժամկետում, վարչական մարմինը չի ստացել հետադարձ ծանուցումը (ծանուցման մասին անդորրագիրը), կամ վարչական վարույթի մասնակցի հասցեն անհայտ է, ապա ծանուցումն ուղարկվում է՝

1) ֆիզիկական անձի դեպքում՝ աշխատանքի վայրի հասցեով (վարչական վարույթի նյութերում դրա առկայության դեպքում) և անձի վերջին հայտնի բնակության վայրի համապատասխան համայնքի կամ վարչական շրջանի ղեկավարին (բացառությամբ այն դեպքերի, երբ վարչական վարույթը հարուցվել է համայնքի կողմից), իսկ վարչական

վարույթում ֆիզիկական անձի այլ հասցեների, այդ թվում՝ էլեկտրոնային փոստի վերաբերյալ տվյալների առկայության դեպքում՝ այդ հասցեներով»:

Նույն հոդվածի 15-րդ կետի համաձայն՝ «Սույն հոդվածի 14-րդ մասով սահմանված գործողությունները կատարելու հետ միաժամանակ ծանուցումը տեղադրվում է Հայաստանի Հանրապետության հրապարակային ծանուցումների պաշտոնական ինտերնետային կայքում: Սույն մասով նախատեսված գործողությունները կատարելուց հետո՝ հինգերորդ օրը, համապատասխան ծանուցումները համարվում են հանձնված (ստացված)»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Այսպիսով, վարույթի նյութերով հիմնավորվում է, որ Խորեն Ռուստամյանի կողմից ՀՀ ՊԵԿ ԱՄՎ Բազրատաշենի մաքսային կետ-բաժնով թիվ 05100033/100323/0019614 տարանցման հայտարարագրով ձևակերպված տրանսպորտային միջոցը և ուղեկցող փաստաթղթերը սահմանված ժամկետում չեն հասցվել նշանակման վայր, ինչով պայմանավորված վերջինս թույլ է տվել «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում, ինչը հիմնավորվում է վարչական վարույթի նյութերով:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 301-րդ, 305-րդ, 322-րդ, 334-րդ հոդվածները, «Վարչարարության հիմունքների և վարչական վարույթի մասին» ՀՀ օրենքի 29.1 հոդվածի 14-րդ և 15-րդ կետերը, Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1.«Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում կատարելու համար Խորեն Ռուստամյանին ենթարկել վարչական պատասխանատվության՝ տուգանելով **100.000 (հարյուր հազար) դրամի չափով:**

(նշվում է վարչական տույժ նշանակելու մասին կայացված որոշումը)

2. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Արևելյան մաքսատուն-վարչության

ղեկավարի ժ/պ՝
(անուն, ազգանուն)

ՀԱՅԿ ԱՎԵՏԻՍՅԱՆ
(ստորագրություն)

(ստորագրության անվանումը)

Որոշման օրինակը _____ հավելվածներով _____ էջերի վրա ստացա.

(իրավաստված կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի №900005024055 հաշվահամարին 29 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարգադրումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: